



# SLUŽBENI GLASNIK OPĆINE KALESIJA

Godina: XLVI

Ponedjeljak, 31.01.2011. godine  
K A L E S I J A

Broj: 1

## OPĆINSKO VIJEĆE

### 1

Na osnovu čl. 66. Zakona o građevinskom zemljištu F BiH ("Sl. novine FBiH" br. 68/05), čl. 42. Odluke o građevinskom zemljištu ("Sl. glasnik općine Kalesija" 1/04,2/05 i 12/05) i čl. 42. Statuta općine Kalesija - Prečišćeni tekst ("Sl. glasnik općine Kalesija" 10/07 i 7/08) Općinsko vijeće Kalesija na sjednici održanoj dana, 27.01.2011. godine, d o n o s i

#### O D L U K U

o utvrđivanju prosječne konačne građevinske cijene m<sup>2</sup> korisne stambene površine na području općine Kalesija u 2010. godini

#### Član 1.

Prosječna konačna građevinska cijena 1m<sup>2</sup> izgrađene korisne stambene površine u 2010. godini na području općine Kalesija iznosi 750,00 KM.

#### Član 2.

Cijena iz člana 1. ove Odluke služiti će kao osnovica za izračunavanje naknade iz osnova prirodnih pogodnosti građevinskog zemljišta (rente) i uređenja građevinskog zemljišta.

Utvrđena cijena će se koristiti u 2011. godini.

#### Član 3.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKO VIJEĆE  
Broj: 01-05-2-323  
Datum:28.01.2011. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

### 2

Na osnovu člana 11. stav 3. Zakona o uzurpacijama ("Sl. list SRBiH", broj 6/78) i člana 42. Statuta općine Kalesija-Prečišćeni tekst ("Sl. glasnik općine Kalesija", broj 10/07 i 7/08), Općinsko vijeće Kalesija na sjednici održanoj 27.01.2011. godine, d o n o s i:

#### O D L U K U

o visini naknade za nepriznato uzurpirano zemljište u 2011. godini

#### Član 1.

Za nepriznato uzurpirano zemljište za koja će se uzurpantima- zemljoradnicima određivati naknada u 2011. godini, određuje se slijedeća visina naknade:

a) Za poljoprivredna zemljišta u iznosu sedmostrukog jednogodišnjeg katastarskog prihoda sa uzurpiranog zemljišta za 2010. godinu.

b) Za neplodna zemljišta u iznosu sedmostrukog jednogodišnjeg katastarskog prihoda sa pašnjaka najniže klase u istoj katastarskoj općini za 2010. godinu.

### Član 3.

Ova Odluka stupa na snagu danom objavljivanja u "Sl. glasniku općine Kalesija", a primjenjivat će se od 01.01.2011. godine.

Bosna i Hercegovina  
Federacija Bosne i Hercegovine  
Tuzlanski Kanton  
OPĆINA KALESIJA  
OPĆINSKO VIJEĆE  
Broj:01-05-2-324  
Datum:28.01.2011.godine

PREDSJEDAVAJUĆI  
OPĆINSKOG VIJEĆA  
Hujdur Fetah s.r.

## 3

Na osnovu člana 13. Zakona o principima lokalne samouprave („Sl.novine FBiH“, broj 49/06), člana 42. stav 15. Statuta općine Kalesija – Prečišćeni tekst (“Sl. glasnik općine Kalesija”, broj 10/07 i 7/08), Općinsko vijeće Kalesija na prijedlog Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja na sjednici od 27.01.2011. godine, d o n o s i

### O D L U K U o općinskim priznanjima

#### Član 1.

Ovom Odlukom utvrđuju se vrste općinskih priznanja, oblast iz koje se vrši dodjela istih, kome se vrši dodjela, podnošenje prijedloga, postupak dodjele i obezbjeđenje sredstava za dodjelu općinskih priznanja.

#### Član 2.

Općina Kalesija ima slijedeća općinska priznanja:

- 1. Medalja sa zlatnim grbom**, dodjeljuje se u vidu medalje uz novčanu nagradu.
- 2. Plaketa sa zlatnim grbom općine Kalesija**, dodjeljuje se u vidu plakete.
- 3. Zahvalnica sa zlatnim grbom općine Kalesija**, dodjeljuje se u vidu zahvalnice.

#### Član 3.

Općinska priznanja se dodjeljuju građanima, organizacijama, institucijama i drugim fizičkim i pravnim licima.

Općinska priznanja se dodjeljuje fizičkim i pravnim licima iz stava 1. koji su se istakli svojim radom, angažiranjem i rezultatima na

unapređivanju i zaštiti čovjekove radne i životne sredine, na očuvanju kulturne i prirodne baštine, posebnim doprinosom u zdravstvenoj, kulturnoj, obrazovnoj, naučnoj i sportskoj djelatnosti, kao i humanitarnim i drugim dobrotvornim aktivnostima na širem prostoru općine Kalesija.

Novčana nagrada za priznanje iz člana 2. tačke 1. je u iznosu prosječnog LD na području Federacije BiH u prethodnoj godini.

#### Član 4.

Prijedlog za dodjelu općinskih priznanja, odnosno isticanje kandidature mogu podnositi građani, boračke organizacije, udruženja građana, mjesne zajednice sa područja općine Kalesija, političke stranke koje djeluju na području općine Kalesija, radna tijela Općinskog vijeća, Općinski načelnik i druga pravna i fizička lica.

#### Član 5.

Prijedlozi iz člana 4. dostavljaju se Komisiji za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja (U daljem tekstu: Komisija) Općinskog vijeća Kalesija najkasnije 30 dana prije dana uručivanja Općinskih priznanja.

Jedan predlagač može podnijeti po jedan prijedlog za svako od općinskih priznanja.

#### Član 6.

Komisija na osnovu podnesenih prijedloga za dodjelu općinskih priznanja, kao jedini ovlašteni predlagač, sačinjava prijedlog Odluke o dodjeli općinskih priznanja i isti dostavlja Općinskom vijeću na razmatranje i donošenje, i to:

- Medalja sa zlatnim grbom – 1(jedno) priznanje,
- Plaketa sa zlatnim grbom općine Kalesija 3 (tri) priznanja.

#### Član 7.

Izuzetno, osim priznanja iz člana 2. ove Odluke, Općinsko vijeće (udaljem tekstu: Vijeće), na prijedlog Komisije može posebnom Odlukom utvrditi i druga općinska priznanja.

#### Član 8.

Odluku o dodjeli Općinskih priznanja donosi Vijeće u redovnoj proceduri, prema Poslovniku o radu.

Uručivanje općinskih priznanja iz člana 2. tačke 1. i 2. dobitnicima istih, vrši se na svečanoj sjednici Vijeća u povodu 23. maja – Dana općine Kalesija.

Općinsko priznanje Medalja sa zlatnim grbom uručuje Općinski načelnik a Općinska priznanja Plaketa sa zlatnim grbom općine Kalesija uručuje predsjedavajući Općinskog vijeća.

#### Član 9.

Odluku o dodjeli općinskih priznanja iz člana 2. tačke 3. donosi Općinski načelnik.

#### Član 10.

Sredstva za općinska priznanja obezbjeđuju se u budžetu Općine Kalesija.

#### Član 11.

Izgled, sadržaj, likovno i grafičko rješenje općinskih priznanja utvrdit će se posebnim aktom.

#### Član 12.

Donošenjem ove Odluke prestaje da važi «Odluka o općinskim priznanjima» («Sl. glasnik općine Kalesija», broj 2/02).

#### Član 13.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina  
Federacija Bosne i Hercegovine  
Tuzlanski Kanton  
OPĆINA KALESIJA  
OPĆINSKO VIJEĆE  
Broj:01-05-2-325  
Datum:28.01.2011.godine

PREDSJEDAVAJUĆI  
OPĆINSKOG VIJEĆA

Hujdur Fetah s.r.

## 4

Na osnovu člana 16. i 23. Zakona o prostornom planiranju i korištenju zemljišta na nivou Federacije Bosne i Hercegovine („Službene novine FBiH“, broj 2/06,72/07,32/08, 4/10,13/10, 45/10) i člana 19., 21., 22., 29., 32., 33., 34., 35. Zakona o prostornom uređenju („Sl. novine TK“, br. 3/05), člana 11. Odluke o provođenju Prostornog plana Tuzlanskog kantona za period 2005-2025. godine («Sl. novine TK-a» br. 9/06) i člana 42. Statuta općine Kalesija – Prečišćeni tekst („Sl. glasnik općine Kalesija“, br. 10/07 i 7/08), Općinsko vijeće Kalesija, na sjednici održanoj dana 27.01.2011. godine, d o n o s i

## O D L U K U

o izmjenama Odluke o pristupanju izrade Prostornog plana općine Kalesija za period 2008 – 2028. godina

#### Član 1.

Ovom odlukom mijenja se period za koji se donosi Prostorni plan općine Kalesija.

#### Član 2.

U naslovu Odluke o pristupanju izrade Prostornog plana općine Kalesija za period 2008 – 2028. godina ( u daljnjem tekstu Odluke), brojevi “2008-2028” mijenjaju se brojevima “2011-2031”

#### Član 3.

U članu 1.Odluke brojevi “2008-2028” mijenjaju se brojevima “2011-2031”

#### Član 4.

U članu 3.Odluke brojevi “2008-2028” mijenjaju se brojevima “2011-2031”

#### Član 5.

Ova Odluka stupa na snagu danom objavljivanja u „Službenom glasniku općine Kalesija”.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-326  
Datum,28.01.2011. godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

## 5

Na osnovu člana 70. Zakona o građevinskom zemljištu (“Sl.novine F BiH”, broj 25/03), člana 47. Odluke o građevinskom zemljištu Općine Kalesija ( “Sl. glasnik Općine Kalesija” broj 1/04, 2/05 i 12/05), te člana 42. Statuta Općine Kalesija – Prečišćeni tekst (“Sl.glasnik općine Kalesija”, broj 10/07 i 7/08), Općinsko vijeće na sjednici održanoj dana, 27.01.2011. godine, d o n o s i

### PROGRAM UREĐENJA

gradskog građevinskog zemljišta po zonama na području općine Kalesija za period I-XII 2011.godine

#### Član 1.

U toku 2011. kalendarske godine vršit će se uređenje gradskog građevinskog zemljišta u : I, IIa, IIb, IIc, IId, III, IV i VI zoni gradskog građevinskog zemljišta

#### Član 2.

U zoni obuhvata Regulacionog plana "Južna zona" Kalesija i "Sjeverna zona" Kalesija vršit će se sledeći poslovi :

- Izrada Prostornog plana Općine Kalesija.
  - Rekonstrukcija Ul.Patriotske lige i ulice Oslobojilaca Kalesije i postavljanje vertikalne i horizontalne signalizacije u centru Kalesije
  - Rekonstrukcija vodovoda u gradu Kalesija
  - Rješavanje odvodnje površinskih voda sa javnih i drugih površina .
  - Rekonstrukcije i izgradnje ulične rasvjete.
  - Modernizacija malonogometnog igrališta sa izgradnjom tribina u sklopu MSC Kalesija.
  - Proširenje toplifikacije grada
- Radovi će se obavljati prema navedenom redoslijedu, a u skladu sa budžetom Općine Kalesija.

#### Član 3.

Planirana izgradnja u Kalesiji, za područje koje se uređuje iznosi cca 13.036 m<sup>2</sup> stambenog i 5.164 m<sup>2</sup> poslovnog prostora.

#### Član 4.

Ukupna investicija uređenja gradskog građevinskog zemljišta iznosi 1.061.500,00 KM ( od toga sa posebnog računa namjenska sredstva iznose 455.000,00 KM)

#### Član 5.

Na ime uređenja gradskog građevinskog zemljišta u I zoni gradskog građevinskog zemljišta, investitori planiranih objekata imaju uplatiti iznos od **25,00 KM** za svaki m<sup>2</sup> korisne površine izgrađenog stambenog i poslovnog prostora,

Naknada za uređenje gradskog građevinskog zemljišta obračunavat će se u urbanističkoj saglasnosti, a uplaćivat će se na poseban račun općine Kalesija kod Tuzlanske banke br. 1321400311635477 , vrsta prihoda 722434.

#### Član 6.

Visinu naknade za već ranije uređeno ili djelimično uređeno gradsko građevinsko

zemljište, korisnik zemljišta obavezan je izmiriti neovisno od stepena uređenja.

Za zone IIa, IIb, IIc, IId, III, IV i VI iz tačke 1. ovog Programa primjenjivati odredbe Odluke o građevinskom zemljištu a visina naknade utvrđuje se u procentima u odnosu na predračunsku vrijednost građevinskog objekta, primjenom cijene m<sup>2</sup> korisne stambene površine utvrđene Odlukom o utvrđivanju prosječne konačne građevinske cijene m<sup>2</sup> korisne stambene površine iz predhodne godine i to:

1. za obezbjeđenje prilaza parceli – 0,8%,
2. za obezbjeđenje uslova prisključenja snabdijevanja vodom – 0,4%,
3. za obezbjeđenje uslova za priključenje kanalizacije – 0,4%,
4. za obezbjeđenje uslova priključka na NN električnu mrežu - 0,4%.

Obavezi plaćanja naknade za uređenje građevinskog zemljišta na kojem se gradi objekat, ne podliježe član porodice koji je ili čiji su roditelji učestvovali u uređenju tog građevinskog zemljišta ukoliko se objekat gradi na mjestu ranije postojećeg objekta za onaj dio korisne površine objekta koji je bio izgrađen na tom mjestu.

#### Član 7.

Program uređenja gradskog građevinskog zemljišta stupa na snagu danom objavljivanja u „Službenom glasniku“ općine Kalesija.

Bosna i Hercegovina  
Federacija Bosne i Hercegovine  
Tuzlanski kantona  
OPĆINA KALESIJA  
OPĆINSKO VIJEĆE  
Broj: 01-05-232  
Dana: 28.01.2011.godine

PRESJEDAVAJUĆI  
OPĆINSKOG VIJEĆA  
Fetah Hujdur s.r.

## 6

Na osnovu člana 13. stav 1. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 42. Statuta općine Kalesija – Prečišćeni tekst („Sl. glasnik općine Kalesija“, broj 10/07 i 7/08), Općinsko vijeće Kalesija na sjednici održanoj 27.01.2011. godine, d o n o s i

U 2011 godini realno se planira proljetna sjetva sa površinama i kulturama navedenim u sledećoj tabeli a na bazi ostvarenja iz 2010 godine.

## PLAN PROLJETNE SJETVE ZA 2011 GODINU

### 1. UVOD

U strateškim razvojnim dokumentima Općine Kalesija, poljoprivreda je privredna djelatnost koja ima prioritetno mjesto, jer Općina raspolaže veoma značajnim resursima za intenzivan razvoj poljoprivrede, privredne grane koja može uposliti veći broj stanovništva. Osamdesetih i devedesetih godina prošlog stoljeća ovo područje je bilo jedno od najznačajnijih poljoprivrednih krajeva u kojima se dešavao intenzivni rast ove privredne grane.

Poljoprivredno preduzeće Spreča sa izuzetno razvijenom stočarskom i mljekarskom proizvodnjom, kao i pratećom proizvodnjom ratarskih kultura upošljavalo je značajne ljudske potencijale a stepen obradivosti poljoprivrednih površina bio je iznad republičkog prosjeka.

Privatizacijom ovog preduzeća u poslijeratnom periodu, dio objekata i poljoprivrednog zemljišta kupuje Sarajevski Milkos, koji ovdje započinje intenzivne aktivnosti na obnovi stočarske i ratarske proizvodnje sa pratećom infrastrukturom. Na području Općine Kalesija kroz proteklih 5– 6 godina desetine malih poljoprivrednih proizvođača je stasalo u manja stabilna poljoprivredna gazdinstva, tako da su oni sa svojim proizvodima sve više i više prisutni na tržištu.

Ovom pozitivnom trendu razvoja poljoprivrede na području Općine Kalesija doprinijelo je više faktora:

- nemogućnost stanovništva da nađe profitabilniji posao
- mjere Federalne, Kantonalne i Općinske vlade koje podstiču primarnu poljoprivrednu proizvodnju
- promjena opšteg odnosa prema poljoprivredi
- Prodaja farme Krušik sarajevskom Milkosu

### 2. STRUKTURA I OBIM SJETVE

Kod izrade plana proljetne sjetve za 2011 godinu vodilo se računa o stanju osnovnog resursa – poljoprivrednog zemljišta, odnosno dosadašnjeg stepena njegovog korištenja.

R. B	Naziv kulture	Ostvareno u 2010. godini (ha)	Planirano u 2011 godini (ha)	Index
01.	Ječam jari	28	28	100
02	Zob jara	28	28	100
03	Lucerka	160	178	111
04	DTS	710	728	102
05	Djetelina	70	85	121
06	Kukuruz zno	2880	2800	97
07	Kukuruz silaža	1180	1460	123
08	Krompir	730	700	95
09	Grah	70	50	71
10	Luk crveni	35	50	142
11.	Luk bijeli	20	15	75
12	Kupus	35	20	57
13	Paradajz	55	70	127
14	Paprika	45	60	133
15	Krastavac	40	30	75
16	Ostalo povrće	45	40	88
17	Ostalo krmno bilje	55	50	90
	UKUPNO	6186	6366	102

Iz prethodne tabele se vidi da je planom proljetne sjetve u 2011 godini planirano da se na području Općine Kalesija obavi sjetva na površini od 6366 ha, što je više za 180 ha u odnosu na ostvarenje 2010 godine. Površine pod krmnim kulturama su nešto veće u odnosu na prethodne godine, za razliku od povrtlarskih kultura gdje su sjetvene površine nešto umanjene iz razloga što je tržište BiH snabdjeveno povrćem iz zemalja okruženja.

Razlozi povećanja sjetvenih površina u 2011. godini su:

- Organizovani otkup mlijeka
- Zakup državnog poljoprivrednog zemljišta
- Izdvajanje novčanih sredstava od Federalnog, Kantonalnog i Općinskog budžeta na ime podsticaja primarne poljoprivredne proizvodnje .
- Nabavka visokogavidnih junica na farmu Krušik od strane D.O.O. Milkosu iz Sarajeva

### 3. PLAN POTREBNIH REPROMATERIJALA ZA PROLJETNU SJETVU

Da bi realizacija plana proljetne sjetve bila uspješna potrebno je obezbijediti dovoljne količine repromaterijala utvrđene na bazi planske strukture sjetvenih površina na području Općine Kalesija.

Vrsta repromaterijala	Sjetvene površine ha	Utrošak sjemena kg/ha	Ukupno kg	Cijena po jedinici mjere u KM	Ukupno KM
Sjeme kukuruza	4260	20	8520	7,00	596400
Zob, Ječam	56	150	8400	1,00	8400
Krmno bilje	1041	30	31230	8,00	249840
Krompir	700	2500	1750000	1,20	2100000
Grah	50	150	7500	5,00	37500
Crveni luk	50	600	30000	3,50	105000
Bijeli luk	15	350	5250	10,00	52500
Ostalo povrće	220	3	660	270,00	178200
NPK đubrivo	6366	300	1909800	1,00	1909800
KAN 27 %	6366	150	954900	0,55	525195
Dizel gorivo	6366	50	318300	2,05	652515
Ulje i mazivo	6366	4	25464	7,00	178248
Herbicidi	2122	3	6364	27,00	171882
Insekticidi	2122	2	4244	20,00	84880
Fungicidi	2122	2	4244	18,00	76392
UKUPNO					6926750

Iz predhodne tabele vidljivo je da su za realizaciju plana proljetne sjetve potrebna sredstva u iznosu od 6 926750.00 KM .

Sjeme	3327840
Đubrivo	2 434993
Dizel gorivo	652515
Ulje i mazivo	178248
Zaštitna sred.	333154
<b>UKUPNO</b>	<b>6 926750</b>

### OČEKIVANA PROIZVODNJA (ŽITARICA, POVRTNOG I KRMNOG BILJA) OD PROLJETNE SJETVE 2011. GODINE

Vrsta usjeva	Planirana sjetva u ha	Prosječan prinos t/ha	Ukupna proizvodnja tona
Kukuruz	4260	5,0	21300
Jari ječam	28	3,6	101
Jara zob	28	3,2	100
Krompir	700	8,0	5 600
Grah	50	1,8	90
Kupus	40	12,0	240
Paradajz	70	6,0	420
Paprika	60	5,0	300
Crveni luk	50	6,0	300
Bijeli luk	15	3,5	53
Krastavac	30	7,0	210
Krmno bilje	1041	4,0	4 164

U cilju ostvarenja plana proljetne sjetve, potrebno je obezbijediti određene preduslove kao što su:

1. Obezbijediti kvalitetno sjeme i sadni material sa odgovarajućim porijeklom, certifikatom, fitopatološkim uvjerenjem i sortnoj čistoći.

2. Obezbijediti ostale repromaterijale za sjetvu (mineralna đubriva, zaštitna sredstva, gorivo i mazivo)

3. Iznaći novčana sredstva za proljetnu sjetvu i plasirati ih putem kredita uz odgovarajuću kamatnu stopu i povoljan grace period.

4. Blagovremeno obezbijediti neophodne rezervne dijelove za mehanizaciju (traktori i priključna oruđa), po planu nabavki kod poljoprivrednih proizvođača.

Realizaciju plana proljetne sjetve pratit će nadležna Služba za poljoprivredu.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA

Fetah Hujdur s.r.

Broj: 01-05-233

Datum, 28.01.2011. godine

Na osnovu člana 44. i 45. Zakona o građevinskom zemljištu ("Sl. novine FBiH", br. 25/03, 16/04 i 67/05 ), člana 42. Statuta općine Kalesija-Prečišćeni tekst ("Sl. glasnik općine Kalesija", broj 10/07 i 7/08), člana 22. Odluke o građevinskom zemljištu ("Sl. glasnik općine Kalesija", broj 1/04, 2/05 i 12/05), te člana 200. Zakona o upravnom postupku ("Sl. novine FBiH", broj 2/98 i 48/99), rješavajući u upravnoj stvari dodjele neizgrađenog građevinskog zemljišta, Općinsko vijeće Kalesija na sjednici održanoj dana 27.01.2011.godine, d o n o s i

### R J E Š E N J E

1. "CIBOFEED" d.o.o. Kalesija, dodjeljuje se na korištenje, radi izgradnje poslovnog objekta (Fabrika premiksa i zdrave hrane za životinje), neizgrađeno građevinsko zemljište u industrijskoj zoni "Kalesija Gornja" označeno po starom premjeru sa k.č. broj 2345/202, zvano Lugovi, oranica, površine 9781 m<sup>2</sup>, upisano u ZK. uložak broj 1028, KO. Prnjavor, a po novom premjeru označeno sa k.č. broj 1288/6, zvano Lugovi, u naravi njiva 5 klase, površine 9781m<sup>2</sup>, upisana u Pl. broj 706, KO Prnjavor.

2. Za dodijeljeno zemljište iz tačke 1. ovog rješenja korisnik je dužan platiti naknadu za dodijeljeno zemljište u iznosu od 112481,50KM(slovima:stodvanaesthiljadačetiristo osamdesetjedna i 50/100 Konvertibilnih maraka). Naknadu je dužan uplatiti u roku od 15 dana po prijemu ovog rješenja, na žiro račun općine Kalesija broj: 1321400291700037 kod Tuzlanske banke, vrsta prihoda: 722631 šifra općine 044.

3. Na zemljištu iz tačke 1. ovog rješenja, nakon pravosnažnosti rješenja i izvršene uplate naknade iz tačke 2. dispozitiva rješenja, u zemljišnim knjigama Općinskog suda Kalesija izvršit će se uknjižba prava korištenja radi građenja u korist "CIBOFEED" d.o.o. Kalesija, Gornja Kalesija bb. Kalesija sa dijelom 1/1, a u katastru općine Kalesija izvršit će se uknjižba posjeda u korist "CIBOFEED" d.o.o. Kalesija, Gornja Kalesija bb. Kalesija , sa dijelom 1/1 .

Na osnovu čl. 44. 45. i 46. Zakona o građevinskom zemljištu, člana 55. Statuta općine Kalesija – Prečišćeni tekst i člana 24. Odluke o građevinskom zemljištu, Općinski načelnik Kalesija raspisao je Konkurs za dodjelu neizgrađenog građevinskog zemljišta bliže opisanog u tački 1. ovog rješenja, u svrhu izgradnje privredno-poslovnog objekata, objavljen u dnevnom listu "SAN" od 11.decembra 2010. godine.

Komisija za dodjelu neizgrađenog građevinskog zemljišta imenovana rješenjem Općinskog načelnika br. 02-05-2-2636/08 od 04.08.2008. godine, izvršila je dana 24.12.2010. godine javno otvaranje prispjelih prijava na raspisani konkurs, a Zaključkom o rezultatu Konkursa za dodjelu neizgrađenog građevinskog zemljišta broj 02-31-1-3728-6/10 od 28.12.2010. godine, predlaže Općinskom vijeću Kalesija da "CIBOFEED" d.o.o. Kalesija, dodijeli predmetno zemljište na korištenje radi građenja.

Određba o plaćanju naknade za dodijeljeno zemljište temelji se na osnovu člana 64. Zakona o građevinskom zemljištu i Odluci o građevinskom zemljištu, na način da je korisnik dodijeljenog zemljišta u prijavi na raspisani konkurs ponudio cijenu od 11,50 KM/m<sup>2</sup> koju je Komisija za dodjelu prihvatila kao najpovoljniju, što za 9781 m<sup>2</sup> ukupno iznosi 112481,50 KM.

Cijeneći sve okolnosti i utvrđene činjenice iz Zaključka o rezultatu konkursa odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe kod Kantonalnog suda u Tuzli u roku od 30 dana od dana prijema ovog rješenja.

Bosna i Hercegovina  
Federacija Bosne i Hercegovine  
Tuzlanski Kanton  
OPĆINA KALESIJA  
OPĆINSKO VIJEĆE  
Broj:01-05-2-327  
Datum: 28.01.2011.godine

PREDSJEDAVAJUĆI  
OPĆINSKOG VIJEĆA

Fetah Hujdur s.r.

## 8

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 23. redovnoj sjednici održanoj 27.01.2011.godine, donijelo je slijedeći

### Z A K L J U Č A K

#### I

Usvaja se Izvještaj o rješavanju upravnih stvari u upravnom postupku općinskih službi za upravu u općini Kalesija u 2010. godini.

#### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-236  
Datum, 28.01.2011. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

## 9

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 23. redovnoj sjednici održanoj 27.01.2011.godine, donijelo je slijedeći

### Z A K L J U Č A K

#### I

Prihvata se Program rada Sportskog saveza općine Kalesija, za 2011. godinu.

#### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-234  
Datum, 28.01.2011. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

## 10

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 23. redovnoj sjednici održanoj 27.01.2011.godine, donijelo je slijedeći

### Z A K L J U Č A K

#### I

Usvaja se Izvještaj o radu Sportskog saveza općine Kalesija za 2010.godinu.

#### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-235  
Datum, 28.01.2011. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

## 11

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 23. redovnoj sjednici održanoj 27.01.2011.godine, donijelo je slijedeći



## Z A K L J U Č A K

### I

Prihvata se Informacija o utrošenim sredstvima iz budžeta općine Kalesija za podsticaje u poljoprivrednoj proizvodnji za 2010.godinu.

### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-237  
Datum,28.01.2011. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

---

## 12

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 23. redovnoj sjednici održanoj 27.01.2011.godine, donijelo je slijedeći

## Z A K L J U Č A K

### I

Prihvata se Informacija o zakupu državnog poljoprivrednog zemljišta na području općine Kalesija za 2010.godinu.

### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-238  
Datum,28.01.2011. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

## 13

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 23. redovnoj sjednici održanoj 27.01.2011.godine, donijelo je slijedeći

## Z A K L J U Č A K

### I

Prihvata se Prostorna osnova Prostornog plana općine Kalesija

### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-231  
Datum,28.01.2011. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.